

布之屬。王及首領百姓等。極敬信三寶。足¹⁵寺足僧。大小乘俱行。土地甚寬。西至西海。國人多善唱歌。餘四天國不¹⁶如此國。又無枷棒牢獄形戮等事。見今被大寔來侵。半國已損。又五天¹⁷法。出外去者。不將糧食。到處即便乞得食也。唯王首領等出。自賣¹⁸糧。不食百姓祇糲。又從西天北行三箇餘月。至北天國也。名闍

蘭達羅國。王有三百頭象。依山作城而住。從茲已北。漸々有山。爲國¹⁹狹小。兵馬不多。常被中天及迦葉彌羅國屢々所吞。所以依山而住。人²⁰風衣著言音。與中天不殊。土地稍冷於中天等也。亦無霜雪。但有風²¹冷。土地所有出象氎布稻麥。驢騾少

有。其王有馬百匹。首領三五匹。百²²姓並無。西是平川。東近雪山。國內足寺足僧。大小乘俱行。又一月程過雪²³山。東有一小國。名蘇跋那具怛羅。屬土蕃國所管。衣著與北天相似。言²⁴音即別。土地極寒也。又從此闍蘭達羅國西行。經一月。至一社吒國²⁵。言²⁶音稍別。大分相似。衣著人風。土地所出。節氣寒暖。與北天相似。亦足寺足僧。大小乘俱行。王及首領百姓等。大敬信三寶。又從此吒國西行

75 一月。至新頭故羅²⁷國。衣著風俗。節氣寒暖。與北天相似。言音稍別。此國極足駱駝。國人取乳²⁸酪喫也。王及百姓等。大敬三寶。足寺足僧。即造順正理論衆賢論